

陷胸湯症

病發於陽而反下之熱入因作結胸病發於陰而反下之因作痞所以成結胸者以下之太早故也

陽者指外而言形軀是也陰者指內而言胸中心下是也此指人身之外爲陽內爲陰非指陰經之陰亦非指陰症之陰發陰發陽俱指發熱結胸與痞俱是熱症作痞不言熱入者熱原發于裡也誤下而熱不得散因而痞硬不可以發陰作無熱解也若作痞謂非熱症瀉心湯不得用芩連大黃矣若梔子豉之心

中懊憹瓜蒂散之心下滿而煩黃

連湯之胸中有熱皆是病發于陰

結胸無大熱但頭微汗出者此爲水結在胸脇也大陷胸湯主之

上條言熱入是結胸之因此條言水結是結胸之本互相發明結胸病源若不誤下則熱不入熱不入則水不結若胸脇無水氣則熱必入胃而不結于胸脇矣此因誤下熱入太陽寒水之邪亦隨熱而內陷于胸脇間水邪熱邪結而不散故名曰結胸粗工不解此義竟另列水結胸一症由是多岐滋惑矣不思大陷胸湯丸仲景用甘遂葶藶何爲耶無大熱指表言

米下時大熱下後無大熱可知大熱乘虛入裡矣但頭微汗者熱氣上蒸也餘處無汗者水氣內結也水結于內則熱不得散熱結于內則水不得行故用甘遂以直攻其水任硝黃以大下其熱所謂其次治六府也又大變乎五苓十棗等法。發陽誤下非結胸卽發黃皆因其先失于發汗故致濕熱之爲變也身無大熱但頭汗出與發黃症同只以小便不利知水氣留于皮膚尙爲在表仍當汗散此以小便利知水氣結于胸脇是爲在裡故宜下解

傷寒六七日結胸熱實脉沉緊心下痛按之石硬者大

陷胸湯主之

前條言病因與外症此條言脈與內症又當于熱實二字着眼六七日中詳辨結胸有熱實亦有寒實太陽病誤下成熱實結胸外無大熱內有大熱也太陰病誤下成寒實結胸胸下結硬外內無熱症也沉爲在裡緊則爲寒此正水結胸脇之脈心下滿痛按之石硬此止水結胸脇之症然其脈其症不異于寒實結胸故必審其爲病發于陽誤下熱入所致乃可用大陷胸湯是謂治病必求其本耳

太陽病重發汗而復大下之不大便五六日舌上燥而

渴日晡小有潮熱從心下至小腹硬滿而痛不可近者
大陷胸湯主之

此妄汗妄下將轉屬陽明而尙未離乎太陽也不大
便五六日舌上燥渴日晡潮熱是陽明病矣然心下
者太陽之位小腹者膀胱之室也從心下至小腹硬
滿而痛不可近是下後熱入水結所致而非胃家實
故不得名爲陽明病也若復用承氣下之水結不散
其變不可勝數矣

大陷胸湯

大黃 六兩

芒硝 一升

甘遂 一錢

右三味以水六升先煮大黃取二升去滓內芒硝煮一
二沸內甘遂末溫服一升得快利止後服

結胸者項亦強如柔痙狀下之則和宜大陷胸丸

頭不痛而項猶強不惡寒而頭汗出故如柔痙狀此
表未盡除而裡症又急丸以緩之是以攻劑爲和劑
也○此是結胸症中或有此狀若謂結胸者必如是
則不當有湯丸之別矣

大陷胸丸

大黃 八兩

芒硝

杏仁

葶藶子

各半升

右大黃葶藶搗篩內杏仁芒硝合研如脂和散取彈丸

一枚別搗甘遂末一錢七白蜜二合水二升煮取一升
溫頓服之一宿乃下如不下更服取下爲效

硝黃血分藥也葶杏氣分藥也病在表用氣分藥病
在裏用血分藥此病在表裏之間故用藥亦氣血相
須也且小其制而復以白蜜之甘以緩之留一宿乃
下一以待表症之先除一以保腸胃之無傷耳

小結胸病正在心下按之則痛脉浮滑者小陷胸湯主
之

結胸有輕重立方分大小從心下至小腹按之石硬
而痛不可近者爲大結胸正在心下未及脇腹按之

則痛未曾石硬者爲小結胸大結胸是水結在胸腹
故脉沈緊小結胸是痰結于心下故脉浮滑水結宜
下故用甘遂芫荇硝黃等下之痰結可消故用黃連
栝蒌半夏以消之冰氣能結而爲痰其人之陽氣重
可知矣

小陷胸湯

黃連 一兩

半夏 半升

栝蒌實 一枚

右三味以水六升先煮栝蒌取三升去滓內諸藥煮取
二升去滓分溫三服

結胸症其脉浮大者不可下下之則死

陽明脉浮大心下反鞭有熱屬藏者可攻之太陽結胸熱實脉浮大者不可下何也蓋陽明燎化心下硬是浮大爲心脉矣火就燎故急下之以存津液釜底抽薪法也結胸雖因熱入所致然尙浮大仍爲表脉恐熱未實則水未結若下之利不止矣故必待沉緊始可下之此又憑脉不憑症之法也

結胸症具煩躁者亦死

結胸是邪氣實煩躁是正氣虛故死

問曰病有結胸有瀉結其狀何如荅曰按之痛寸脉浮關脉沈名曰結胸也如結胸狀飲食如故時時下利寸

脉浮關脉小細沉緊名曰藏結舌上白胎滑者難治

結胸之脉沉緊者可下浮大者不可下此言其畧耳
若按部推之寸爲陽浮爲陽陽邪結胸而不散必寸
部仍見浮脉關主中焦妄下而中氣傷故沈寒水留
結于胸脇之間故緊不及尺者所重在關故舉關以
統之也如結胸狀而非結胸者結胸則不能食不下
利舌上燥而渴按之痛脉雖沈緊而實大此則結在
藏而不在府故見症種種不同夫硬而不通謂之結
此能食而利亦謂之結者是結在無形之氣分五藏
不通故曰藏結與陰結之不能食而大便硬不同者

是陰結尚爲胃病而無明于藏也五藏以心爲主而舌爲心之外候舌胎白而滑是水來尅火心火幾于熄矣故難治

藏結無陽症不往來寒熱其人反靜舌上胎滑者不可攻也

結胸是陽邪下陷尚有陽症見于外故脉雖沈緊有可下之理藏結是積漸凝結而爲陰五藏之陽已竭也外無煩躁潮熱之陽舌無黃黑芒刺之胎雖有硬滿之症慎不可攻理中四逆輩溫之尚有可生之義病人脇下素有痞連在臍傍痛引小腹入陰筋者此名

藏結死

藏結有如結胸者亦有如痞狀者素有痞而在臍下與下後而心下痞不同矣臍爲立命之原臍傍者天樞之位氣交之際陽明脉之所合少陽脉之所出并脾腎三藏之陰凝結于此所以痛引小腹入陰筋也此陰常在絕不見陽陽氣先絕陰氣繼絕故死少腹者厥陰之部而陰交盡之處陰筋者宗筋也今人多有陰筋上衝小腹而痛死者名曰疝氣卽是此類然痛止便蘇者金匱所云入藏則死入府則愈也治之以茴香吳萸等味而痊者亦可明藏結之治法矣

氏將種種異症盡歸藏滯亦好奇之過也

傷寒汗出解之後胃中不和心下痞硬乾嘔食臭臍下

有水氣腹中雷鳴者生薑瀉心湯主之

汗出而解太陽近口微突胃中不和是太陽之餘邪

與陰寒之水氣雜處其中故也陽邪居胃之上口故

心下痞硬乾嘔而食臭水氣者是胃之下口故腹中雷

鳴而下利也此凡不宜更用瀉心丹不宜更用乾嘔和

瀉心丹兼效則食臭屬下口胃中不和土虛不能制水故

身重而大便溏水之不和者下利之表者已罷而入

賦結有知若用者牙有知若未者素有移而在腸下
 與下後謂心下痞不同其痛為五方之原所發者夫
 痛之在氣之在脈陽明厚之厚氣之厚氣之厚氣
 脾腎主氣之陰發結于此所以痛也此痛之在氣
 此陰常在逆不見陽陽氣先逆陰氣繼起故死少腹
 者厥陰之部而陰又盡之處陰筋者宗筋也今人多
 有陰筋之衝小腹而痛死者名曰痛氣即是此類然
 痛止便蘇者金匱所云人衰則死人府則愈也治之

天辨軒軒異並盡瀧蘇
 蘇亦世符之蘇也

瀉心湯

傷寒汗出解之後胃中不和心下痞硬乾嘔食臭脇下有水氣腹中雷鳴下利者生姜瀉心湯主之

汗出而解太陽症已罷矣胃中不和是太陽之餘邪與陰寒之水氣雜處其中故也陽邪居胃之上口故心下痞硬乾嘔而食臭水邪居胃之下口故腹中雷鳴而下利也火用不宣則痞硬水用不宣則乾嘔邪熱不殺穀則食臭脇下卽腹中也土虛不能制水故腸鳴此太陽寒水之邪侵于形軀之表者已罷而入于形軀之裏者未散故病雖在胃而不屬陽明仍屬

太陽寒水之變耳

生姜瀉心湯

生姜

四兩

人參

黃芩

甘草

各三兩

半夏

半升

乾姜

黃連

各一兩

大棗

十二枚

右八味以水一斗煮取六升去滓再煎至二升溫服一升日三服

按心下痞是太陽之裡症太陽之上寒氣主之中見少陰少陰者心也心為陽中之太陽必其人平日心火不足胃中虛冷故太陽寒水得以內侵虛陽鬱而不得舒寒邪凝而不解寒熱交爭于心下變症蜂起君

至危矣用熱以攻寒恐不戢而自焚用寒以勝熱恐
召寇而自衛故用乾姜苓連之苦入心化痞人參甘
草之甘瀉心和胃君以生姜佐以半夏倍辛甘之發
散兼苦寒之湧洩水氣有不散者乎名曰瀉心止也
爲武之意也

傷寒中風鑿反下之其人下利日數十行穀不化腹中
雷鳴心下痞硬而滿乾嘔心煩不得安鑿見心下痞謂
病不盡復下之其痞益甚此非結熱但以胃中空虛客
氣上逆故使鞭也甘草瀉心湯主之

上條是汗解後水氣下攻症此條是誤下後客氣上

逆症總是胃虛而稍有分別矣上條腹鳴下利胃中
猶寒熱相半故云不和此腹鳴而完穀不化日數十
行則痞爲虛痞硬爲虛硬滿爲虛滿也明矣上條因
水氣下趨故不煩不滿此虛邪逆上故心煩而滿蓋
當汗不汗其人心煩故于前方去人參而加甘草下
利清穀又不可攻表故去生姜而加乾姜不曰理中
仍名瀉心者以心煩痞硬病本于心耳

傷寒中風是病發于陽誤下熱入而其人下利故不
結胸若心下痞硬乾嘔心煩此爲病發于陰矣而復
下之故痞益甚也

甘草瀉心湯

前方去人參生薑加甘草一兩乾姜二兩餘同前法傷寒五六日嘔而發熱者柴胡湯症具而以他藥下之若心下滿而硬痛者此爲結胸也大陷胸湯主之但滿而不痛者此爲痞柴胡不中與之宜半夏瀉心湯

嘔而發熱者小柴胡症也嘔多雖有陽明症不可攻之若有下症亦宜大柴胡而以他藥下之誤矣誤下後有二症者少陽爲半表半裏之經不全發陽不全發陰故誤下之變亦因偏于半表者成結胸偏于半裡者心下痞耳此條本爲半夏瀉心而發故只以痛

不痛分結胸與痞未及他症

半夏瀉心湯

前方加半夏半斤 乾姜二兩 去生姜餘同法

瀉心湯即小柴胡去柴胡加黃連乾姜湯也三方分

治三陽在太陽用生姜瀉心湯以未經下誤而心下痞

硬雖汗出表解水氣猶未散故君生姜以散之仍不

離太陽為開之義在陽明用甘草瀉心湯者以兩番

誤下胃中空虛其痞益甚故倍甘草以建中而緩客

氣之上逆仍是從乎中治之法也在少陽用半夏瀉

心者以誤下而成痞邪既不在表則柴胡湯不中與

之又未全入裡則黃芩湯亦不中與之矣胸脇苦滿
與心下痞滿皆半表裏症也于傷寒五六日未經下
而胸脇苦滿者則柴胡湯解之傷寒五六日誤下後
心下滿而胸脇不滿者則去柴胡生姜加黃連乾姜
以和之此又治少陽半表裡之一法也然倍半夏而
去生姜稍變柴胡半表之治推重少陽半裡之意耳
君火以明相火以位故仍名曰瀉心亦以佐柴胡之
所不及

傷寒吐下後復發汗虛煩脈甚微八九日心下痞硬脇
下痛氣上衝咽嗑眩冒經脈動惕者久而成痿

此以八九日吐下復汗其脉甚微看出是虛煩則心
下痞硬脇下痛經脉動惕皆屬于虛氣上衝咽喉眩
冒皆虛煩也此亦半夏瀉心症治之失宜久而成痿
矣若用竹葉石膏湯大謬

太陽病鑿發汗仍發熱惡寒復下之心下痞表裏俱虛
陰陽氣並竭無陽則陰獨復加燒鍼因胸煩面色青黃
膚瞶者難治今色微黃手足溫者易愈

此亦半夏瀉心症前條因吐下後復汗以致虛煩此
因汗下後加燒鍼以致虛煩多汗傷血故經脉動惕
燒鍼傷肉故面青膚瞶色微黃手足溫是胃陽漸回

故愈

傷寒本自寒下，鑿復吐下之，寒格若食入口即吐，乾姜黃連黃芩人參湯主之。

治之小誤，變症亦輕。故製方用瀉心之半，上焦寒格，故用參、姜、心下畜熱，故用芩、連。嘔家不喜甘，故去甘草。不食則不吐，是心下無水氣，故不用姜、夏。要知寒熱相阻，則爲格症；寒熱相結，則爲痞症。

乾姜黃連黃芩人參湯

乾姜

黃連

黃芩

人參

各二兩

右四味以水六升，煮取二升，分溫再服。

心下痞按之濡大便硬而不惡寒反惡熱其脈關上浮者大黃黃連瀉心湯主之

大黃黃連瀉心湯

大黃 二兩

黃連 一兩

右二味以麻沸湯一升漬之須臾絞去滓分溫再服

濡當作硬按之濡下常有大大便硬不惡寒反惡熱句故立此湯觀瀉心湯治痞是攻補兼施寒熱並馳之劑此則盡去溫補獨任苦寒亦洩之品且用麻沸湯漬絞濃汁而生用之利于急下如此而不言及熱結當攻諸症謬矣夫按之濡爲氣痞是無形也則不當

下且結胸症其脉浮大者不可下則心下痞而關上
浮者反可下乎小結胸按之痛者尙不用大黃何此
比陷胸湯更峻是必有當急下之症比結胸更甚者
故製此峻攻之劑也學者用古方治今病如據此條
脉症而用此方下咽卽死耳勿以斷簡殘文尊爲聖
經而曲護其說以遺禍後人也

心下痞大便秘心煩不得眠而復惡寒汗出者附子瀉
心湯主之

附子瀉心湯

大黃二兩

黃連

黃芩

各一兩

附子

一枚

別煮取汁

右三味以麻沸湯二升漬之須臾絞去滓內附子汁分
溫再服

心下痞下當有大便秘心煩不得眠句故用此湯夫
心下痞而惡寒者表未解也當先解表宜桂枝加附
子而反用大黃謬矣既加附子復用芩連抑又何也
若汗出是胃實則不當用附子若汗出爲亡陽又烏
可用芩連乎許學士云但師仲景意不取仲景方蓋
謂此耳

傷寒服湯藥下利不止心下痞硬服瀉心湯已復以他
藥下之利不止豎以理中與之利益甚理中者理中焦

此利在下焦赤石脂禹餘糧湯主之復利不止者當利其小便

服湯藥而利不止是病在胃復以他藥下之而利不止則病在大腸矣理中非不善但遲一着耳石脂餘糧助燦金之令濟以固脫庚金之氣收則戊土之濕化若復利不止者以腎主下焦爲胃之關也關門不利再利小便以分消其濕蓋穀道旣塞水道宜通使有出路此理下焦之二法也

赤石脂禹餘糧湯

赤石脂

禹餘糧 各一斤

右二味以水六升煮取二升去滓分溫三服

利在下焦水氣爲患也唯土能制水石者土之剛也
石脂禹糧皆土之精氣所結石脂色赤入丙助火以
生土餘糧色黃入戊實胃而瀉腸雖理下焦實中宮
之劑也且二味皆甘甘先入脾能堅固隄防而平水
氣之亢故功勝于甘木耳

傷寒發汗若吐若下解後心下痞硬噫氣不除者旋覆
代赭石湯主之

傷寒者寒傷心也既發汗復吐下之心氣太虛表寒
乘虛而結于心下心氣不得降而上出于聲君主出

亡之象也噫者傷痛聲不言聲而曰氣者氣隨聲而見于外也

旋覆代赭石湯

旋覆花 甘草 各三兩 人參 二兩 半夏 半升

代赭石 一兩 生姜 五兩 大棗 十二枚

右七味以水一斗煮六升去渣再煎三升溫服一升日

三服

此生姜瀉心去苓連乾姜加旋覆代赭石方也以心

虛不可復瀉心故製此劑耳心主夏旋覆花于夏末

醜能補心能軟硬能消結氣半夏生于夏初辛能散

邪能消痞能行結氣代赭稟南方之火色入通于心
散痞硬而鎮虛逆參甘大棗之甘佐旋覆以瀉虛火
生姜之辛佐半夏以散水結斯痞硬消噫氣自除矣
若用芩連以瀉心能保微陽之不滅哉

抵當湯證

太陽病六七日表症仍在而反下之脉微而沉反不結胸其人發狂者以熱在下焦少腹當硬滿小便自利者下血乃愈所以然者以太陽隨經瘀熱在裡故也抵當湯主之

此亦病發于陽誤下熱入之症也表症仍在下當有而反下之句太陽病六七日不解脉反沉微宜四逆湯救之此因誤下熱邪隨經入府結于膀胱故少腹硬滿而不結胸小便自利而不發黃也太陽經少氣多血病六七日而表症仍在陽氣重可知陽極則擾

陰故血燄而蓄于中耳血病則知覺昏昧故發狂此
經病傳府表病傳裡氣病傳血上焦病而傳下焦也
少腹居下焦爲膀胱之室厥陰經脈所聚衝任血海
所由瘀血留結故硬滿然下其血而氣自舒攻其裡
而表自解矣難經云氣結而不行者爲氣先病血滯
而不濡者爲血後病深合此症之義

太陽病身黃脉沉結少腹硬小便不利者爲無血也小
便自利其人如狂者血結症也抵當湯主之

太陽病發黃與狂有氣血之分小便不利而發黃者
病在氣分麻黃連翹赤小豆湯症也若小便自利而

發狂者病在血分抵當湯症也濕熱留于皮膚而發黃衛氣不行之故也燎血結于膀胱而發黃營氣不敷之故也沉爲在裡凡下後熱入之症如結胸發黃畜血其脉必沉或緊或微或結在乎受病之輕重而不可以因症分也水結血結俱是膀胱病故皆少腹硬滿小便不利是水結小便自利是血結如字助語辭若以如字實講血與發狂分輕重則謬矣

傷寒有熱少腹滿應小便不利今反利者爲有血也當下之不可餘藥宜抵當丸

有熱卽表症仍在少腹滿而未硬其人未發狂只以

小便自利預知其為有畜血故小其制而丸以緩之
抵當湯

水蛭

熬

蝨虫

去翅足熬
各三十箇

桃仁

二十箇

大黃

三兩酒洗

右四味以水五升煮取三升去滓溫服一升不下再服
抵當丸

水蛭

二十箇

蝨虫

二十五箇

桃仁

二十箇

大黃

三兩

右四味杵分為四丸以水二升煮一丸取七合服之晬
時當下血若不下者更服

蛭昆虫之飲血者也而利于水蝨飛虫之吮血者也
而利于陸以水陸之善取血者用以攻膀胱畜血使

出乎前陰佐桃仁之苦甘而雅陳致新大黃之苦寒而蕩滌邪熱名之曰抵當者直抵其當攻之處也

太陽病不解熱結膀胱其人如狂血自下下者愈其外不解者尙未可攻當先解外外解已但少腹急結者乃可攻之宜桃仁承氣湯

陽氣太重標本俱病故其人如狂血得熱則行故尿血也血下則不結故愈衝任之血會于少腹熱極則血不下而反結故急然病自外來者當先審表熱之輕重以治其表繼用桃仁承氣以攻其裡之結血此少腹未硬滿故不用抵當然服五合取微利亦見家

欲下意

首條以反不結胸句知其為下後症此以尙未可攻句知其為未下症急結者宜解只須承氣硬滿者不易解必仗抵當表症仍在竟用抵當全不顧表者因邪甚于裡急當救裡也外症已解桃仁承氣未忘桂枝者因邪甚于表仍當顧表也

桃仁承氣湯

桃仁

五十箇

甘草

桂枝

芒硝

各二兩

大黃

四兩

右五味以水七升煮取二升半去渣內芒硝更上火微

湯下火先食溫服五合日三服當微利

陽明病其人喜忘者必有畜血所以然者本有久瘀血故令喜忘屎雖硬大便反易其色必黑宜抵當湯下之瘀血是病根喜忘是病情此陽明未病前症前此不知今因陽明病而究其由也屎硬爲陽明病硬則大便當難而反易此病機之變易見矣原其故必有宿血以血主濡也血久則黑火極反見水化也此以大便秘反易之機因究其色之黑乃得其病之根因知前此喜忘之病情耳承氣本陽明藥不用桃仁承氣者以大便秘不須芒硝無表症不得用桂枝瘀血久無

庸甘草非蟲虫水蛭不勝其任也

病人無表裡症發熱七八日不大便雖脈浮數者可下之假令已下脈數不解合熱則消穀善饑至六七日不大便者有瘀血也宜抵當湯若脈數不解而下利不止必協熱而便膿血也

不頭痛惡寒爲無表症不煩燥嘔渴爲無裡症非無熱也七八日下當有不大便句故脈雖浮數有可下之理觀下後六七日猶然不便可知合熱協熱內外熱也前條據症推原此條憑脈辨症表裡熱極陽盛陰虛必傷陰絡故仍不大便者必有畜血熱利不止

必大便膿血矣宜黃連阿膠湯主之上條大便反易
知瘀血留久是驗之于已形此條仍不大便知瘀血
已結是料之于未形。六經惟太陽陽明有畜血症
以二經多血故也故脉症異而治則同

太陽協熱利有虛有熱陽明則熱而不虛少陰便膿
血屬于虛陽明則熱數爲虛熱不能消穀消穀善饑
此爲實熱矣

火逆諸症

太陽病中風以火劫發汗邪風被火熱血氣流溢失其常度兩陽相薰灼身體則枯燥但頭汗出劑頸而還其身發黃陽盛則欲衄陰虛則小便難陰陽俱虛竭腹滿而喘口渴咽爛或不大便久則譫語甚者至噦手足疎擾捻衣摸床小便利者其人可治

太陽中風不以麻黃青龍發汗而以火攻其汗則不須言風邪之患當知火邪之利害矣血得熱則流氣得熱則溢血氣不由常度而變猶生也風爲陽邪火爲陽毒所謂兩陽也兩陽相灼故卽見兩陽合明之

病身體枯燥身無汗也故身發黃頭汗至頸故但身黃而頭至頸不黃也首爲元陽之會不枯燥是陽未虛竭有汗出是陰未虛竭此兩陽尚薰于形身而未內灼于藏府也此血氣流溢之輕者若其人陽素盛者因薰灼而傷血其鼻必衄其人陰素虛者因薰灼而傷津小便必難若其人陰陽之氣俱虛竭者胸滿而喘口乾咽爛而死者有矣或胃實而詰語或手足踈擾而至于捻衣摸床者有矣皆氣血流溢失其常度故也小便利是反應小便難句凡傷寒之病以陽爲主故最畏凶陽而火逆之病則以陰爲主故最怕

陰竭小便利者爲可治是陰不虛津液未亡太陽膀胱之氣化猶在也陽盛陰虛是火逆一症之綱領陽盛則傷血陰虛則亡津又是傷寒一書之大綱領

太陽病二日煩躁反熨其背而大汗出大熱入胃胃中水竭躁煩必發譫語十餘日振慄自下利者此爲欲解也故其汗從腰以下不得汗欲小便不得反嘔欲失溲足下惡風大便硬小便當數而反不數及多大便已頭卓然而痛其人足心必熱穀氣下流故也

此指火逆之輕者言之太陽病經二日不汗出而煩躁此大青龍症也不知發汗而兼以清火而反以火

熨其背背者太陽之部也太陽被火迫因轉屬陽明
胃者陽明之府水穀之海也火邪入胃胃中水竭尿
必燥硬煩躁不止詁語所由發也非調胃承氣下之
胃氣絕矣十餘日句接大汗出來蓋其人雖大汗出
而火熱未入胃中胃家無恙詁語不發煩躁已除至
二候之後火氣已衰陽氣微故振慄而解陰氣復故
自利而解此陰陽自和而自愈者也故其汗至末是
倒叙法釋未利未解前症遡其因而究其由也言所
以能自下利者何以故因其自汗出時從腰已下不
得汗夫腰已下爲地地爲陰是火邪未陷入于陰位

也二腸膀胱之液俱未傷也欲小便不得而反嘔欲
失溲此非無小便也其津液在上焦欲還入胃中故
也凡大便硬者小便當數而不多今小便反不數而
反多此應前欲小便不得句正以明津液自還入胃
中而下利之意也利是通利非瀉利之謂觀大便已
可知矣頭爲諸陽之會卓然而痛者陰氣復則陽氣
虛也是心必熱反應足下惡風句前大汗出則風已
去故身不惡風汗出不至足故足下惡風也今火氣
下流故足心熱火氣下流則穀氣因之下流故大便
自利也大便已頭疼可與小便已陰疼者參之欲冰

便不得反失溲小便當數反不數反多與上條小便
難小便利俱是審其陰氣之虛不虛津液之竭不竭
耳

太陽病以火薰之不得汗其人必躁過經不解必圜血
名爲火邪

首條以火劫發汗而衄血是陽邪盛于陽位故在未
過經時此條以火薰不得汗而圜血是陽邪下陷入
陰分故在過經不解時次條大汗出後十餘日振慄
下利而解此條不得汗過經圜血而猶不解可知劫
汗而得汗者其患速不得汗者其患遲名爲火邪則

但治其火而不慮其前此之風寒矣

傷寒脉浮豎以火迫劫之亡陽必驚狂起卧不安者桂枝法芍藥加蜀漆龍骨牡蠣救逆湯主之

聖文皆陽盛之症以中風爲陽邪也此後是陽虛之症以傷寒爲陰邪也陽盛者輕則發狂詰語重則衄血鬪血此不戢自焚者也陽虛者神不守舍起居如驚其人如狂是棄國而逃者也

方註詳桂枝篇○右論火逆症

太陽傷寒者加溫鍼必驚也

溫鍼者卽燒鍼也燒之令其溫耳寒在形軀而用溫

鍼刺之寒氣內迫于心故振驚也

若重發汗復加燒鍼者四逆湯主之

重發汗而病不解則不當汗矣復加燒鍼以迫其汗
寒氣內侵當救其裡燒鍼後宜有脫衣

火逆下之因燒鍼煩躁者桂枝甘草龍骨牡蠣湯主之

方註詳桂枝篇

其脈沉者營氣微也營氣微者加燒鍼則血流不行更
發熱而煩躁也

按流行二字必有一誤此陰陽俱虛竭之候也

燒鍼令其汗鍼處被寒核起而赤者必發奔豚氣從少

腹上衝者灸其核上各三壯與桂枝加桂湯

方註詳桂枝篇○右論火鍼症

脈浮宜以汗解用火灸之邪無從出因火而盛病從腰以下必重而痺名火逆也


脈浮熱甚反灸之此爲實實以虛治因火而動必咽燥吐血

微數之脈慎不可灸因火爲邪則爲煩逆迫虛逐實血散脈中火氣雖微內攻有力焦骨傷筋血難復也

此皆論灸之而生變也腰以下重而痺者因腰以下不得汗也咽燥吐血者亦陽盛而然也比衄加甚矣

當知灸法爲虛症設不爲風寒穀故叮嚀如此

○右論火灸症



痙濕暑疝

太陽病痙濕暑三症宜應別論以傷寒所致與傷寒相似故此見之

太陽主表六氣皆得而傷之三種故與傷寒不同然亦有因于傷寒而見症與傷寒相似故論及之耳

太陽病發汗太多因致痙脈沉而細身熱足寒頭項強急惡寒時頭熱面赤目脈赤獨頭面搖卒口噤背反張

者痙病也

陽氣者精則養神柔則養筋發汗太多則無液養筋筋傷則攣急而反張矣太陽主筋所生病矣要知痙

之一症非無因而至因于傷寒發汗不如法所致耳
太陽脉本浮今反沉者營氣微也細者陽氣少也身
熱而足寒者下焦虛也頭痛雖止而頸項強急惡寒
之症未罷更時見面赤目赤是將轉屬于陽明然諸
症皆與傷寒相似而非瘧獨有頭面動搖卒然目瞤
背反如張弓者與傷寒不相似故名之曰瘧耳此汗
多亡液不轉屬陽明而成瘧者以發汗太驟形身之
津液暴脫而胃家津液未乾故變見者仍是太陽表
症而治法當滋陰以急和其裡勿得以沉細爲可溫
也炙甘草湯主之金匱用桂枝湯加括蕒根恐不勝

其任

太陽病發熱無汗反惡寒者名曰剛瘧太陽病發熱汗出不惡寒者名曰柔瘧

此以表氣虛實分剛柔原其本而名之也亦可以知其人初病之輕重稟氣之強弱而施治矣金匱用葛根湯則謬

○右論瘧症

病者一身盡疼發熱目瞶所劇者此名風濕此病傷于汗出當風或久傷寒冷所致也

汗出當風寒則汗不越久留骨節故一身盡疼玄府

反閉故發熱日晡爲陽明主時太陰濕土鬱而不伸
故劇此雖傷于濕而寔因子風寒也金匱用麻黃杏
仁薏苡甘草湯

風濕爲病脉陰陽俱浮自汗出身重多眠睡鼻息必鼾
語言難出若被下者小便不利直視失溲若被火者微
發黃色劇則如驚癇時瘵痿

脉浮爲風陰陽俱浮自汗出者風濕相搏于內也濕
流骨節故身重濕勝翻氣行陰不得行陽故好眠也
睡則氣從鼻出風出而濕留之呼吸不利故鼻息必
鼾濕留會厭則重而難發聲如從室中言是中氣之

濕矣法當汗解而反下之大便利則小便必不利心
肺之氣化不宣胃家之關門不利脾土之承制不行
故直視失渡也若以火劫之受氣之輕者濕不得越
因熱而發黃受火氣之重者必亡陽而如驚癰狀液
脫而時見痙癱之形矣

問曰值天陰雨不止風濕相搏一身盡疼法當汗出而
解鑿云此可發汗汗之病不愈者何也答曰發其汗汗
大出者但風氣去濕氣在是故不愈也若治風濕者發
其汗但微微似欲汗出者風濕俱去也

上條條言風濕諸症未及身疼要知風濕與傷寒之

身疼不同傷寒身疼無止時風濕相搏而痛多在日
晡時發若更值陰雨是風濕與天氣合故疼痛更甚
不必在日晡時也陰雨不止疼痛亦不止法當汗解
汗大出濕反不去者風爲陽邪其人溼濕爲陰邪其
人深又風傷于上濕傷于下淺者上者易去而深者
下者難出故微汗之令徧身繫繫乃佳耳

傷寒八九日風濕相搏身體煩疼不能自轉側不嘔不
渴脉浮虛而濇者桂枝附子湯主之若其人大便硬小
便自利者去桂加白朮湯主之

脉浮爲在表虛爲風濇爲濕身體煩疼表症表脉也

不嘔不渴是裡無熱故于桂枝湯加桂以治風寒去
芍藥之酸寒易附子之辛熱以除寒濕若其人大便
硬小便自利者表症未除病仍在表不是因于胃家
實而因于脾氣虛矣蓋脾家實腐穢當自去脾家虛
濕土失職不能制水濕氣留于皮膚故大便反見燥
化不嘔不渴是上焦之化源清故小便自利濡濕之
地風氣常在故風濕相搏不解也病不在脾法當君
以白朮代桂枝以治脾培土以勝濕土旺則風自平
矣前條風勝濕輕故脉陰陽俱浮有內熱故汗自出
宜桂枝湯此濕勝風微故脉浮虛而濇內無熱而不

嘔不渴故可加附子桂枝理上焦大便秘小便利是
中焦不治故去桂大便不硬小便不利是下焦不治
故仍須桂枝

桂枝附子湯

桂枝 四兩

附子 三枚

大棗 十二枚
生姜 三兩

甘草 二兩

右五味以水六升煮取二升去滓分溫三服

桂枝附子去桂加白朮湯

前方去桂枝加白朮四兩 餘同前法

初服其人身如痺半日許復服之三服都盡其人如

胃狀勿怪以朮附并走皮肉逐水氣未得除故使之
耳法當加桂四兩此本一方二法以大便秘小便自
利去桂也以大便不通小便不利當加桂附子三枚
恐多也虛弱家及產婦宜減之

風濕相搏骨節煩疼掣痛不得屈伸近之則痛劇汗出
短氣小便不利惡風不欲去衣或身微腫者甘草附子
湯主之

身腫痛劇不得屈伸濕盛于外也惡風不欲去衣風
淫于外也汗出短氣小便不利化源不清也君桂枝
以理上焦而散風邪佐朮附甘草以除濕而調氣

甘草附子湯

甘草

炙

白木

各二兩

桂枝

四兩

附子

二枚

右四味水六升煮取三升去滓溫服一升日三初服得微汗則解能食汗復煩者服三合

太陽病關節疼痛而煩脉沉而細者此名濕痺濕痺之候其人小便不利大便反快但當利其小便

內經曰風寒濕三氣合而為痺痛者寒氣多也煩者陽遭陰也夫脉浮為風細為濕太陽脉本浮風濕為病脉陰陽俱浮而浮虛而濇合關節煩疼脉反沉細者是發汗不如法但風氣去濕流骨節為着痺也濕

氣留着于身形脾氣不能上輸肺氣不能下達膀胱
之液不藏胃家之關不啟故小便不利脾土上應濕
化不能制水故大便反快但利其小便安能聚水而
爲患哉風濕相搏者當發汗風去濕在者當利小便
此兩大法吐下火攻非其治矣

濕家之爲病一身盡疼發熱身色如薰黃

凡濕不得洩熱不得越則身黃若傷寒發黃時身疼
已解此濕流關節故不解也須五苓以除其濕

濕家但頭汗出背強欲得被覆向火若下之則噦胸滿
小便不利舌上如胎者以丹田有熱胸中有寒渴欲得

水而不能飲口燥煩也

但頭汗若小便利則不發黃背強惡寒尚是太陽寒濕法當汗解若下之陽氣擾于胸中故滿中傷胃氣故噦下焦虛不能制水故小便不利也如舌上有胎不是心家熱以上焦之濕不除胸中之寒不解惟丹田之有熱不安于下焦而上走空竅故口燥煩而舌上胎耳不能飲水可見濕猶在中又當從五苓去桂枝易肉桂之法矣

濕家下之額上汗出微喘小便利者死下利不止者亦

死

濕痺本無死症皆因妄治而死火逆則驚癇瘈瘲下
之則直視失洩舌胎而噦皆死兆也夫額上汗出而
小便不利是濕不得洩故發黃此更微喘是水氣入
肺當不能通調水道而小便反利者是膀胱不藏水
泉不止也若下利不止是倉廩不藏門戶不要也失
守者死矣

濕家病身上疼痛發熱面黃而喘頭痛鼻塞而煩其脉
大自能飲食腹中和無病病在頭中寒濕故鼻塞內藥
鼻中則愈

種種皆是表症鼻塞而不鳴脉大而不浮不關風矣

脉不沉細非濕痺矣。腹初不滿則非瘀熱在裡。重于頭痛是頭中寒濕可知。寒濕從鼻而入故鼻塞亦當從鼻而出。內藥鼻中塞因塞用法也。

○右論濕症

太陽中暑者身熱疼重而惡寒。脉微弱此以夏月傷冷水。水行皮中所致也。

中暑與傷寒迥殊而亦有因于傷寒者。太陽之氣在天爲寒。在地爲水。冬月之傷寒傷于天之寒風。夏月之傷寒傷于地之寒水也。脉微亾陽脉弱發熱此身熱脉微本是暑傷于氣而疼重惡寒實由于寒水沐浴。

浴留在皮膚而然亦是傷寒所致耳金匱用瓜蒂湯
非是宜五苓散藿香飲之類

太陽中暑者發熱惡寒身重而疼痛其脉弦細芤遲小
便已洒洒然毛聳手足逆冷小有勞身即熱口開前板
齒燥若發汗則惡寒甚加溫鍼則發熱甚下之則淋

弦細芤遲不得連講言中暑夾寒之脈或微弱或弦
細或芤遲皆是虛脈如脈浮而緊者名曰弦弦而細
則爲虛矣脈弦而大則爲芤芤固爲虛芤而遲更爲
寒矣以此脈而見發熱惡寒身重疼痛等症雖當炎
夏而虛寒可知更當審其小便小便者寒水之氣化

也寒水留在皮膚不得下行故小便已而洒然毛聳其短濇可知手足爲諸陽之本小便已而逆冷其寒水留于四肢可知夏行冬令不可謂非傷寒所致耳仍以中暑名之者以其人陰氣素虛四小有勞身卽發熱內熱更熾見其開口以出之板齒枯燥故知其本于中暑耳若汗之表陽愈虛惡寒反甚火攻則陰津愈虛發熱反甚下之水行穀道小便更短濇而成淋矣此東垣補中益氣深合仲景心也

太陽中暑其人汗出惡寒身熱而渴也

中暑夾寒有不因乎浴水而因乎乘涼者或因露氣

或因曠字或因夜氣陰寒先著于肌膚而暑氣入
于心脉故惡寒身熱汗出而渴也清暑益氣湯
得之矣

○右論暑症

三症皆本于傷寒故惡寒發熱身疼皆與傷寒相似
瘧者脉同濕家中暑則大同小異三原迥殊于傷寒
治之者當以脉別症更當從脉施治耳